

# इफिसियन

**1** पौलुस जउन परमेसुर की इच्छा ते मसीह यीसु केर परेरित आय, उइकी ओर ते, इफिसुस नगर मा रहै वाले सन्तन अउर मसीह यीसु मा विसवासु करै वाले लोगन के नाम पाती।

<sup>2</sup>हमरे बाप परमेसुर अउर परभु यीसु मसीह तुम पर अनुग्रह करै अउर सान्ती देत रहै।

## यीसु मा आतमिक आसीस

<sup>3</sup>हमरे परभु यीसु मसीह के बाप अउर परमेसुर धन्य है जउन मसीह यीसु के सहारे सरग के ठउरन मा हमका सबरइ विधि ते आसीसिन हैं। <sup>4</sup>उइ संसार रचै के पहिले हमका मसीह मा चुनि लिहिन, कि हम पाख अउर निरदोस होइ जाई। <sup>5</sup>अउर अपना असीम इच्छा ते ते हमका अपन खातिर पहिले न ठहराइन कि यीसु मसीह के सहारे हम उहिके लेपल्लक बेटवा बनि जाई। <sup>6</sup>कि उनकी उइ किरपा की महिमा की बड़ाई होय, जउन उइ हमका पियार मा सेत मेत दिहिन। <sup>7</sup>हम उइमा उइके खून ते छुटकारा, मतलब पापन की माफु, उहिके ई अनुग्रह के धन के ते मिलत है। <sup>8</sup>जेहिके ऊ सारे ग्यानु अउर समझ वे हम पर जादा किहिन है। <sup>9</sup>कि उइ अपनी इच्छा केर भेद उइ सुमति के मुताबिक हमका बताइन, जीका उइ अपने मा पहिलेन ठानि लिहिन रहै। <sup>10</sup>कि समय के पूर होय केर ऐसेन परबन्ध होय कि जउन सरग मा है अउर जउन कछु धरती पै है, ऊ सब मसीह मा यकट्टा होइ जाई।

<sup>11</sup>मसीह मा जेहिमा हमहूँ ऊ की मनसा मुताबिक जउन अपन इच्छा के मत के ते सब कुछ करत है पहिलेन ते ठहराऊ जाइके वारिस बनाइन। <sup>12</sup>कि हम पंचन जउन मसीह की पहिलेन ते आसा करित रहै, वहिकी महिमा अउर असतुति के कारन होय। <sup>13</sup>अउर उहिमां तुमहूँ? पंचौ जउन साचै बचन सुनित जउन तुमरे उद्धार केर सुभ सन्देश हय, अउर मसीह मा विस्वासु किये हौ, ऊ बदिन के ते पवित्र आतमा

केर मोहर लगाइन हैं। <sup>14</sup>ऊ उहिके मोल लीन के छुटकारे के ते हमार मीरास कै बयाना आय, कि उहिके महिमा अउर बड़ाई होई।

## पराथना अउर धन्यवादु

<sup>15</sup>यही कारन ते हम ऊ विसवासु क समाचार सुनकै जेहि तुममां परभु यीसु मा है अउर सबक पवित्र लोगन पर परगट हय। <sup>16</sup>तुमरे लिये धन्यवादु नाहीं छोड़ित अउर अपन पराथना म तुमका सुमिरित है। <sup>17</sup>कि हमरे परभु यीसु मसीह केर परमेसुर, जउन महिमा केर बाप है, तुमका अपन पहचानु म, ग्यान अउर परकारस केर आतमा देय। <sup>18</sup>अउर तुमरे मन की आंखी चमक उठै, अउर तुम जानि पाओ कि परमेसुर के बुलाइन खातिर कउनी तिना केइ आसा है, अउर पवित्र लोगन म ऊ की मीरास केर महिमा क धन कइस हय। <sup>19</sup>अउर उहिकी समरथ हमरी ओर ते जौनु विसवासु करत है केतना बड़ है उहिकी सक्ती केर परभाव के ऊ कारज केर ते। <sup>20</sup>जऊन उन्हेने मसीह खातिर कीन्है कि उहिकौ मरेन हुए मा ते जिलाय केर सरग केर जगह मा अपन दहिनी ओरिया। <sup>21</sup>समन तरह की परधानता, अउर अधिकार अउर समरथ अउर परभुता के, अउर हर याक नमवा केर ऊपर, जउन न केवल ई लोक म पर आवन वालेन लोक म भी लीन जाई, बइसइन। <sup>22</sup>अउर सब कुछ उहिके चरनन तले कर दिहिस, अउर उहिका सबते ऊँचा बनाय कै कलीसिया का दइ दिहिस। <sup>23</sup>ई उकी देह आय अउर उहिकी परिपूरनता आय जउन सबै मा सबै कछु पूरन करत है।

## यीसु मा जी उठना

**2**अउर उहिन तुमका भी जिलाइस, जउन अपन अपराधन अउर पापन के कारन मरे रहौ। <sup>2</sup>अउर आकास के अधिकार केर हाकिम मतलब उइ आतमा के मुताबिक चलत रहौ, जउन अबौ परमेसुर की

इच्छा आग्या न माने वालेन मा काम करत है।<sup>3</sup>इनकी लोगन मां हमहूँ पहिले अपन सरीर केर मन की वासना मा दिन बिताइत रहै। अउर लोगन केर समान समभाव ते कोप की सन्तान रहन।<sup>4</sup>मुलाकि परमेसुर ने जउन दया कै धनी है, अपन ऊ अपार परेम के कारन जउनै उनहिन हमहूँ परेम करिन।<sup>5</sup>जउन हमका अपन अपराधन के कारन मर चुके रहेन तउन हमका मसीह केर साथ जिलाइन उद्धार हुइन है।<sup>6</sup>परमेसुर हमका मसीह यीसु के साथे जीवित किहिन अउर उनहिन के साथे सरग मा बैठान।<sup>7</sup>ई अपन ऊ किरपा से जउन मसीह यीसु मा हमरे पर है, अपन असीम धन दिखाइन।<sup>8</sup>काहे ते विसवासु ते अनुगरह ते तुम्हार उद्धार भवा है अउर ई तुमरी ओरिया से नाहीं हुआ, ई परमेसुर केर दान हवै।<sup>9</sup>अउर न ई करमन ते कारन, ऐसन न होय कि कउनो घमंड करै।<sup>10</sup>हम सबै परमेसुर केर रचना आन। अउर मसीह यीसु मा उइ भले करमन खातिर रचे गयेन है जउन परमेसुर पहिलेन ते हमरे करै खातिर तय्यार किहिन है।

#### परभु मा याक

<sup>11</sup>ई कारन सुमिरन करौ कि तुमहूँ जउन सारीरिक रीति ते गैर कौम के रहौ (अउर जउन लोगन सरीर मा हाथ करने हुए खतने ते खतना वालेन कहलावत रहौ) रइ तुममा खतना विहीन कहा करत रहै।<sup>12</sup>तुम पंचे उइ समय मसीह ते अलग अउर इसराएल की परजा के पद से बाहेर रहौ, अउर परतिरया की बाचाओं ते दूर रहौ, अउर आसाहीन अउर संसार मा परमेसुर ते अलग रहौ नागरिकता ते बाहेर रहौ, परतिगया अउर आसा ते दूर रहौ अउर संसार मा परमेसुर ते अलग रहौ।<sup>13</sup>मुला अब मसीह यीसु मा तुम जउन पहिले दूर रहौ मसीह के खून ते नेरे आय गयो है।

<sup>14</sup>काहे ते उहीं हमार मेल आय, जेहिके दुवनौ क एकु कइ दिहिस अउर अलगाव करै वाली दीवार का जउन बिच्छा मा रहै, ढहाय दिहिन।<sup>15</sup>अउर अपन सरीर ते बैर, मतबल उइ बेवस्था जेहिकी अग्याएं विधि—विधानन पर रहै, मिला दिहिन, कि दुवनौ से अपन मा एकु नवा मनई उपजावै करिकै मेलु कर ले।<sup>16</sup>अउर क्रूस पै बैरु को नास करिके इहिके अइसन दोनन क एकु देह बनाइ करिकै परमेसुर ते मिलाइ दिहिन।<sup>17</sup>अउर उइ आय कै तुम जउन दूर रहौ, अउर उनिका जउन पास रहै, दुवनौ क मेल, मिलाय का सुसमाचार सुनाइन।<sup>18</sup>काहे ते उनहीं ते हम दुवनौ का एकै आतमा मा बाप के नेरे पहुंच होत है।

<sup>19</sup>ई ते तुम अब बिदेसी अउर मुसाफिर नाहीं रहै,

मुला कि पवित्तर लोगन के संगी स्वदेसी अउर परमेसुर के घराने के होय गए।<sup>20</sup>अउर परेरितौ अउर नबीयन केर नेव पर जेहिके कोने केर पाथर मसीह यीसु आपहि हंय, बनाए गये हव।<sup>21</sup>जेहिमा सारी रचना एकै साथ मिलिके परभु मा याक पवित्तर मंदिर बनत जात है।<sup>22</sup>जेहिमा तुमहूँ आतमा के ते परमेसुर केर ठउर (निवास अस्थान) होवै के खातिर याक साथु बनाए जात हव।

#### पौलस बिजातिन का परचारक

**3** ई ते हम पौलस तुम गैर जातिन के खातिर मसीह यीसु केर बन्दी हौ।

<sup>2</sup>मुलां तुमहूँ परमेसुर केर उ अनुगरह के परबन्ध का समाचार सुनै हव, जउन तुमरे लिये हमका दन गवा है।<sup>3</sup>ते ई कि उ रहस हमरे ऊपर परकास केर जरिये परगट भवा है, जाहे कि हम पहिलेन संसेप मा लिख चुकेन है।<sup>4</sup>जीका तुम पढ़ि कै समझ सकत हौ कि हमका मसीह यीसु के भेद का केतना गियान है।<sup>5</sup>जउन औरी—औरी समय मा मनई की सन्तानन का अइस नाहीं बतावा गवा, जैसन कि आतमा केर जरिये अब उहिके पवित्तर परेरितन अउर नबियन पर परकार किया गवा हय।<sup>6</sup>मुलाकि मसीह यीसु मा सुसमाचार केर जरिये गैर—जातिन लोगन मीरास म साझी, अउर एकै देह के अउर परतिगया मा भारी है।

<sup>7</sup>अउर हम परमेसुर के अनुगरह केर ऊ दान के ते, जउन ऊकी सकती के परभाव के जरिये मोहिका दीन गवा है। उइ सुसमाचार केर सेवकु बनाइन।<sup>8</sup>मोहिका जउन सबै लोगन मा छोटन मे छोटन है, यहु अनुगरह भवा कि गैर जातिन का मसीह केर अपार निधि का सुसमाचार सुनाई।<sup>9</sup>अउर सब लोगन पर ई बात परकासन करौ, कि उइ म्याद का परबन्ध का है, जउन समन ते संसार के रचइता परमेसुर का पहिलेन से छिपा रहै।<sup>10</sup>मुलाकि सब कलीसिया केर जरिये, परमेसुर केर नाना परकार का ग्यानु, उइ परधानो अउर अधिकारिन पर, जउन सरग के जगहन मा है, परगट कीन जाय।<sup>11</sup>उइ जुगन—जुगन मनसा केर ते, जउन उनहिन हमार परभु यीसु मा भवा है।<sup>12</sup>जेहिमा हमका ऊ पै विसवासु करै ते हियाव अउर भरोसे ते नेरे आवे केर अधिकार है।<sup>13</sup>ई वो बदै हम विनती करित है कि जउन कल्लेस तुमरे कारन हमका होइ रहा है, उहिके कारन हियाव न छुड़ा, काहे कि उहिमा तुमार महिमा है।

#### इफीसियन केर खातिर एक पराथना

<sup>14</sup>हमहूँ यही कारन उई बाप के समुहे घुटना टेकित

है।<sup>15</sup>जैहि ते सखा अउर धरती पर, हर याक घराने केर नाम धरत जात है।<sup>16</sup>कि परमेसुर अपन महिमा के भंडार के भंडार तेनी तुमका ई दान देय, फिर तुम उहिकी आतमा से अपन भीतर केर मनई मा बलु पाय कर मजबूत होत जाओ।<sup>17</sup>अउर विसवासु ते मसीह तुम्हार हिरदय मा निवास करै कि तुम परेम मा जड़ै गहरी अउर नेव डारि कर।<sup>18</sup>सबै पवित्तर लोगन के साथु नीक तरीके समझु केर सकती मिलै, कि उहे की चौड़ाई अउर लम्बाई अउर उचाई अउर गहराई केतनी है।<sup>19</sup>अउर मसीह के उइ परेम का जानि सकौ जउन ग्यानुते परे है, कि तुम परमेसुर की सारी भरपूरी ते पूरन होइ जाओ।

<sup>20</sup>अब जउन ऐसन बलवान है कि हमरी विनती अउर समझ ते कहू अधिक कामु करि सकत है, उई सामरथ के मुताबिक जउन हममें कारजु करत सकत है।<sup>21</sup>कलीसिया मा, अउर मसीह यीसु मा, उहिकी महिमा पीढ़ी ते पीढ़ी तलक जुगन—जुगन होत रहै। आमीन।

### यीसु केर देह मा एकता

**4**हम जउन परभु के कारन बन्दी हौं, तुमने विनती करति हई कि जइसन बुलाहट ते तुम बुलाए गयो है वइसन चाल चलौ।<sup>2</sup>यानी सगरी दीनता, अउर नमरता के साथु, अउर धीरजु धर कर परेम ते एक दूसर केर सह लेय।<sup>3</sup>अउर सान्ती के बन्धनु मा बांधि कइ आतमा की एकता राखै का जतन करौ।<sup>4</sup>एकै देह है, अउर एकै आतमा, जइसन तुमहूँ जउन बुलाए गयो हय अपन बुलाए जावै से एकै आसा है।<sup>5</sup>एकै परभु है, एकै विसवासु, एकै बपतिसमा।<sup>6</sup>अउर सब केर एकै परमेसुर अउर बाप है, जउन सबके ऊपर है, अउर सबके बिच्चा मा, अउर सबमा है।

<sup>7</sup>पर हमहूँ मा ते हर याक का मसीह केर दान के परिभासा ते अनुग्रह मिल्ला है।<sup>8</sup>यही ते ऊ कहत है कि ऊ (ऊपर चढ़ा) अउर बन्दी कइहां बांधि लै गवा, मनइन को बरदानु दिहिन।<sup>9</sup>ऊ के चढ़न ते, अउर का पावा जात है, यहै न कि मसीह धरती कै निचले जगहु मा उतरौ भी रहै।<sup>10</sup>अउर जउन उतर गवा ई वही आय जउन सगरे आकास से ऊपर चढ़ि गवा कि सबका परिपूरन करि दे।<sup>11</sup>अउर उइ केतनेन का परेरित बनाए के, अउर कितनेन का नबीयन बनाए के, अउर कितनेन का सुसमाचारु सुनावै वाला ठहराय के, अउर कितनेन का रखवाला अउर उपदेसक ठहराय के दैय दिहिस।<sup>12</sup>जैहि ते पवित्तर लोगन सिद्ध होय

जांय अउर सेवा का काम काज कीन जाय, अउर मसीह केर देह की तरक्की होय।<sup>13</sup>हियां तक कि हम सबै बिसवासु मा, अउर परमेसुर के बेटवा पहिचान मा एकु न होइ जाइ अउर एकु सिद्ध मनई न बन जाय, अउर मसीह केर पूरन डील—डौल मा न बढ़ जाएं।

<sup>14</sup>जउन मनईन केर ठग—विद्या अउर चतुराई का उनहिन के झूठ गढ़ै वालेन की, अउर उपदेसु केर, हर एक बयार से उथले, अउर इधर—उधर चक्कर मा आय जात हव।<sup>15</sup>वरन् परेम मा सांचु ते चलत हुए, सबहूँ बातन मा उहिमा जउन सिर है यानी मसीह मा बढ़त जावो।<sup>16</sup>उनहिन ते पूरी दर्याह हर एक जोड़ केर मदद से एकु साये विलय के, अउर एक साथ गठकर उइ असर के जरिये जउन हर एक भागु के मातरा से उहिमा होत है, अपन आपहुँ को बढ़ती करत है, कि उइ जीवन जोति केर पुल की तरह तरक्की करत जाय।

### जोतिन केर सन्तानु

<sup>17</sup>यहिते हम कहित है, अउर परभु मा तुमते जताए देइत है कि जइसन गैर जातिन लोगन अपन मन केर बुरी—रीत पै चलत है अबते फिर ऐसन न चलौ।<sup>18</sup>काहे ते उनकेर बुद्धि अंधकारमय होय गई है, अउर उइ अग्यानु के कारन जउन उहिमा है, अउर उनहिन के मन केर जड़ता के कान उइ परमेसुर केर जीवनु से अलग होय गए है।<sup>19</sup>अउर ऊ सुन्न होइकर, बचपन मा गिर गए है कि सबै तरह के गन्दे कामु ललचातसे करत है।

<sup>20</sup>मुलाकि तुमका मसीह ते ई तिना की सिच्छा नाहीं मिली है।<sup>21</sup>यदि तुम सांचे उनके बारे मा सुने हौ, अउर जैस यीसु मा सांचु है वहीमा सिखावौ गवा है।<sup>22</sup>कि तुमका पुरान चाल—चलन केर पुरान मनइन का जउन परभु मा डारै वाली बुरी आदतन मा परिकै विगरत जात है, उतारु डालौ।<sup>23</sup>जउन आपन मन के आतमिक सवभाव मा नवा बनत जावो।<sup>24</sup>अउर नवा मनइन परि लेव जउन परमेसुर के जरिये सांचुव केर धारमिकता, अउर पवित्तरता मा रचना भई है।

<sup>25</sup>ई कारन सबै मनई झूठ बोलब छोड़ि दे हर एकौ अपन पड़ोसिन ते सांच बोलै, काहे तेनी हम सबै एक दुसरे केर अंग आय।<sup>26</sup>गुस्सा करौ, मुला पापु न करो। सूरज डूबै ते पहिले तुम्हार गुस्सा न रहै।<sup>27</sup>अउर न सैतान का मौकै देव।<sup>28</sup>चोरी करै वाला अब ते चोरी न करै, कउनो अच्छे काम मा अपने हाथन ते परिसरमु करिकै काहे कि जिका जरूरत

होय, उहिका देइ खातिर उहिके पासु कछु होय।

<sup>29</sup>कवनिव गन्दी बात तुमरे मुंह ते न निकरै, पर जरूरत केर तरीके बहय जउन तरक्की केर खातिर अच्छी आय, मुला उहिसेन सुनने वालेन पर अनुग्रह होवै। <sup>30</sup>अउर परमेसुर की पवित्र आतमा कहिहां दुख न देव जेहिसे तम पै छुटकारन के दिना बदै मुहर लगाइन है। <sup>31</sup>सबै तिना केर करुवाहट, कठोरता गुस्सा अउर कलहु, दुसरेन केर बुरई अउर बैरु भाव अपने से दूरि करि देव। <sup>32</sup>एक दूसरे के तई दयालु बनौ तरह करऊ अउर जइसेन परमेसुर ने मसीह मा तुम्हार अपराधु माफु किहिन, वैसेन तुमहूँ एक दूसरे के अपराधु माफु करौ।

**5** वहिके पिरय, बालकन की तिना परमेसुर के समान बनौ। <sup>2</sup>अउर परेम मा चलब, जैसन मसीह तुमका पिरेम किहिन, अउर हमरे बदे अपनौ आय का सुखदायक सुगन्ध केर खातिर परमेसुर के अगवा भेंट करिके बलै दै दिहिन।

<sup>3</sup>अउर जेइसेन पवित्र लोगन का सोया देत है, वइसन तुममां बेभिचारी, अउर कउनउ तिना की असुद्ध काम, या लोभु केर चरचा तक न होय। <sup>4</sup>अउर न निलज्जता, न मूरखता वाली बातें, न गन्दे मजाक होय काहे कि ई सब तुमका सोभा नाई देत ई की जगह धन्यवादु ही सुनायी पडै। <sup>5</sup>काहे कि तुम ई जानत हव, कि कउनव बेभिचारी या असुद्ध जन, या लालची मनई की जउन मूरति पूजक की तिना बराबर है, मसीह अउर परमेसुर केर राज मा मीरास नाहीं। <sup>6</sup>कउनो तुमका बेकार बातन ते ध्वाखा देय, काहे ते ऐसेन करमन ते परमेसुर केर गुस्सा आग्या न मानै वालेन पै भडकत है। <sup>7</sup>इहिते तुम ऐसन लोगन की संगति ते दूरि रहौ।

<sup>8</sup>पहिले अशुकार रहौ, मुला अब परभु मा जोति बन गए हैं। ई के बदे जोति की सन्तानु की तिना चलौ। <sup>9</sup>काहे तेनी जोति केर फलु सबै तिना की भलाई अउर धरमिकता, अउर सचाई है। <sup>10</sup>अउर ई परखौ, कि परभु कौनी बातन ते परसन हवै। <sup>11</sup>अउर अशुकार के फालतू कामन मा भाग न लेव वरन् उनके ऊपर उलाहना देव। <sup>12</sup>काहे कि उनहिन के छिपे भय कामन की चरचौ करै मा लाज आवत है। <sup>13</sup>किन्तु जितनेन कामौ पै उलाहना दीन जात है, ऊ सबै जाति ते देखै मा आवत है, काहे कि जउन सबै कछु का परगट करत है, उ जोति हय। <sup>14</sup>यहि कारन उइ कहत है हे सोवै वाले जागो, अउर मारे भयेन मं ते जी उठौ यहि कारन उ ई कहत है—” तउन मसीह

केर जोति तुम पै चमकी।

<sup>15</sup>काहे कि ध्यानु से देखव, कि कैसन चाल—चलत हव, मूरखन की तिना नाहीं, बुद्धिमानन की तिना आचरन करौ। <sup>16</sup>अउर अवसरु का बहुतै कीमती जानौ, काहे ते दिन बुरे हवै। <sup>17</sup>यहि कान नासमझ न होव, पर ध्यानु से समझौ, कि परभु की इच्छा का है। <sup>18</sup>अउर दाखरस पी के मतवाले न बनौ, काहे कि यहिसे लुचपन होत है, पर आतमा से भरपूर होत जावो। <sup>19</sup>अउर आपस म भजन और स्तुतिगान, अउर आतमिक गीत गावा करौ, अउर अपन—अपन मन या परभु केर समनवा गावत अउर कीर्तन करत रहौ। <sup>20</sup>अउर सदा सब बातन के बारे मा हमरे परभु यीसु मसीह के नाम ते परमेसुर बाप का धनबादु देत रहौ।

<sup>21</sup>अउर मसीह के तई आदर ते एक दूसरेन के अधीन रहौ।

#### पतनियन अउर पतियन

<sup>22</sup>हे पतिनियों अपन—अपन पति केर अधीन रहौ, जइसन परभु के। <sup>23</sup>काहे ते पति मेहरारु केर सिर है जइसन मसीह कलीसिया केर सिर आय, अउर खुदै उइ देहय का उद्धार करै वाले है। <sup>24</sup>पर इसन कलीसिया मसीह के अधीनु रहत है, वही तिना मेहरारु सबै बातन मा अपन अपन पति के अधीनु रहै।

<sup>25</sup>हे पतियों अपन—अपन पतनि तो पिरेम राखै, जइसन मसीह कलीसिया ते परेम किहिन अउर अपनु का वहिके बदे दै डारिन। <sup>26</sup>उइका वचन के दुआरा जलकेर नहान ते सुद्ध कइ के पवित्र बनावय। <sup>27</sup>अउर उहिका एक ऐसन तेजस्वी कलीसिया बनाय के अपने समुहे उपस्थित करै, जीमा न कउनो धब्बा होय, न झुरी, न कउनो अउर ऐसन वस्तु होय, वरन पवित्र अउर निहकलंक होय। <sup>28</sup>यही तिना उचित है कि पति अपन आज मेहरारु ते आपन देह केर समनवा परेम करै काहे ते जउन अपनी मेहरारु ते परेम करत है, ऊ अपने आपौ ते परेम करत है। <sup>29</sup>कबौ कउनउ अपने सरीरौ ते बैरु राखत है? वरन् वहि केर पालन पोसन करत है, जइसन मसीह कलीसिया कइ साथै करत है। <sup>30</sup>काहे ते हम उनकी देह केर अंग आन। <sup>31</sup>इहै कारन मनई माता—बाप कै छोड़ि कै अपनी मेहरारु के साथै रही, अउर उइ दोनों एकु देह हवै है। <sup>32</sup>यू भ्येद तो बड़ा आय, पर हम मसीह अउर कलीसिया केर बारे म कहित है। <sup>33</sup>पर तुमसा हर एकु अपन मेहरारु ते अपन समान परेम करौ, अउर मेहरारु अपन पति ते आदर मानै।

**माता बाप अउर सन्तानु**

**6** हे बालकों परभु मा अपने माता—बाप के अग्याकरी बनौ, काहे ते यू नीक बात है। <sup>2</sup>अपने माता बाप केर आदर करौ यह पहली आग्या आय, जिहिके साथ परतिज्ञा हवै। <sup>3</sup>जिहिते तुम्हार कल्यानु होय अउर तुम धरती इहां बहुत दिनन जियत रहौ। <sup>4</sup>अउर हे बच्चेन वालेन अपन बच्चन का रिस न दिलाओ, मुला परभु की सिच्छा, अउर चितावनी देखत रहौ, उनकेर पालन—पोसन करौ।

**दास अउर मालिक**

<sup>5</sup>हे दासौ, जउन लोग सरीर केर अनुसार तुम्हार मालिक है, अपन मन केर सिधार्ई ते डरत; अउर कापत भवौ जइसन मसीह की, वैसक उनहुन केरी आग्या मानौ। <sup>6</sup>अउर लोगन का परसन्न करै वालेन की तिना दिखावटी सेवा न करौ, वरन् मसीह केर दासन की तिना पूरे मन ते परमेसुर की इच्छा पूरी करौ। <sup>7</sup>ई सेवा का मनइन की सेवा नाहीं, मुला परभु की जानि कै सदभावना ते सेवा करो। <sup>8</sup>काहे कि तुम जानत हव, कि जउन कउनव जेसन अच्छा काम करहि, चाहे दास हौ, चाहे आजाद हौ, परभु ते वैसेन पड़है।

<sup>9</sup>अउर हे स्वामियों, तुमहू धमकी छाड़ि कै उनहेन साथौ वैसन बरताव करौ, काहे कि जानत हव, कि उनहेन का अउर तुम्हार दोनो केर स्वामी सरग म है अउर ऊ लेहू का पच्छ नाहीं करत है।

**अध्यात्मिक सस्र**

<sup>10</sup>यहि करन परभु म अउर उहिकी सकती केर परभाव म बलवानु बनौ। <sup>11</sup>परमेसुर के सबै हथियार धारन करौ जेहिते सैतान की दुस्टन केर समनवा ठाढ़े रहौ। <sup>12</sup>काहे ते हमार इ जुद्ध लोहू अउर मांस ते नाहीं, मुला परधानताओं, अउर अधिकारियो ते, अउर

इ संसार केर अंधकार केर हाकिमों ते, अउर दुस्टता केर आतमिक सेनाओं ते हैं, जउन आकास म हैं। <sup>13</sup>यहै लिये परमेसुर केर सबै हथियार बांध लेव, कि बुरे दिनन मा सामना करि सकौ, अउर सबै कछु पूर करिकै ठाढ़े रहि सकौ। <sup>14</sup>तौ सत्य से अपन कमर कसकर, अउर धरम केर झिलम पहन कर। <sup>15</sup>अउर पावन मा मेल केर सुसमाचारु के तय्यारी केर जुटवा पहिन के। <sup>16</sup>अउर ऊ सबै कै साथै बिसवासु केर ढाल लगकर घटे रहौ, जेहिसे तुम, ऊ दुस्ट के सबै जलत वालेन तीरन का बुझाय सकौ। <sup>17</sup>अउर उद्धार का टोप, अउर आतमा केर तलवारु जउन परमेसुर का बचाव है लय लेव। <sup>18</sup>अउर हर समय अउर हर तरह से आतमा मा पराथना, अउर बिनती करत रहौ, अउर यहि लिये जानत रहौ, कि सबै पवित्तर लोगन खातिर लगातार बिनती करत रहौ।

<sup>19</sup>अउर हमरे बरे ई बिनती करौ कि जबै हम बोलै का मुंह खोलौ तब अइसन जोरावर बचन दीन जाय कि हम हिम्मत केर साथ सुसमाचारु का म्याद बताय सकी जेहि के खातिर हम जंजीरन मा जकड़े भये राजदूत हैं। <sup>20</sup>अउर यहां कि हम उहिके बारे मा जैसन हमका चाही हिम्मत से बोयली।

**आखिरी अभिवादन**

<sup>21</sup>अउर तुखिकुस जउन पिरिया माई अउर परभु मा बिसवासु योग सेवकु है तुमका सबै बाते बताइहय, कि तुम हमारी दसा जानौ कि हम कैसन रहित है। <sup>22</sup>उहिका हमने तुम्हरे पास यही बदै भेजा है कि तुम सबै हमार दसा जानौ, अउर ऊ तुमरे मनन मा सानती देय।

<sup>23</sup>परमेसुर बाप अउर परभु यीसु मसीह की ओर ते सबै भाइन का सान्ती अउर बिसवासु के साथै परेम मिलै। <sup>24</sup>जउन हमरे परभु यीसु मसीह मा सबका परेम राखत है उन सबै पर अनुगरह होत रहै।